


Kombeddi myero ipo i kom Lacwec
mucweyo in i kare me tinoni, ma peya
kare marac obino, ma peya mwaka
pud onyiko cok, ma ibiwaco ni,
'Cwinya pe yom i komgi; Latitlok 12:1



...pien tam pa dano bedo marac cakke i tinone.... Acakki 8:21

Ka ce giwinyo lokke dok gitiyo bote, ci gibibalo kare me kwogi ki lonyo, ki mwaka me kwogi bene gibibedo ki yomcwiny. Ento ka pe guwinyo, ci gibinekogi woko ki pala lucwan, gibito bene labono ngyo gin mo. Ento jo ma lugoba i cwinygi gibako akemo, pe gikok ka en twayogi. Gito ma pud gitino, kwogi bedo i kin jo ma keni. Yubu 36:11-14

Pien in aye genna, ai Rwot Lubana, in aye gin ma ageno cakke i tinona. In aye ibedo ka gwoko an nicakke i ic pa minna, in aye ikwanya ki i ic pa mamana, pakka bibedo boti kare ducu. Jabuli 71:5-6

Abicito ki teko pa Rwot Lubana: abiloko i kom kit ma atir ma itye kwede, ma en aye in keken. Ai Lubana, ibedo ka pwonya cakke i tinona, nio wa kombeddi abedo ka tito pi ticci me aura ma itiyo. Kombeddi kadi bed don ati woko ki yer wiya don obar woko, ai Lubana, pe ibwota; nio ka abinyuto tekoni bot yalwak me kare man, ki tekoni bot jo ducu ma bibino. Jabuli 71:16-18

Awobi twero lonyo yone ki gin anjo? kun iketo cwinyi iye ma lubbe ki lokki. Jabuli 119:9

Cwinyi obed yom, in awobi, i kare ma pud itidi; wek cwinyi obed yom i kare ma pud itidi, dok ibed ka lubo kit ma cwinyi tye kwede, ki i wang waji: ento myero inge ni, pi jami magi ducu Lubanga bikelo ngolo kop i komi. Pi meno wukwany arem cwiny woko ki i cwinywu, wukwany gin marac woko ki i komi, pien tino ki awobi obedo gin ma konnye pe. Latitlok 11:9-10

In pe ingeyo? pe iwinyo ni, Lubanja ma bedo nakanaka, Rwot, Lacwe lobo ducu, pe ool, pe ool woko? pe tye gin mo ma twero yenyo niang ne. En miyo teko bot jo ma goro; ki bot jo ma gipe ki teko en medo tek. Kadi wa bwulu gubi goro ki guol, ki awobe gubi poto woko: ento jo ma gi geno Rwot gibi nongo guvu manyen; gubi cito malo ki bwome calo ocur; gibiringo, pe gibiol; ci gibiwot ma pe giol.
Icaya 40:28-31

I kare meno dano gukelo litino bot Yecu wek en oket ciye i komgi, oleggi, ento lupwonnyene gujukogi. Ento Yecu owacci, “Wuwek litino gubin bota, pe wugengi, pien ker me polo tye pa jo macalo jo magi. Yecu oketo ciye i komgi, ka oa woko ki kunnu. Ci nen, dano mo obino bote, openye ni, “Lapwony maber, atim gin maber ajo wek alim kwo ma pe tum?” Yecu owacce ni, “Pingo ilwonga ni ber? pe tye nat mo maber, kono Lubanja acel keken: ento ka imito donyo i kwo, ci myero ilub cik. Openye ni, “Aja?” Yecu owaco ni, Pe inek, Pe itim abor, Pe ikwal, Pe ibed caden goba, Wor woru ki meni, ki, Mar lawoti macalo imarre keni. Awobi-nu owacce ni, “Gin magi ducu atyeko mako nia cakke i tinona; Yecu odokke iye ni, “Ka imito bedo maber muteggi, cit icat jami ducu ma itye kwede, imi ki lucan, ci ibibedo ki lonyo i polo. Ento awobi-nu ka owinyo lok meno, ci ocito woko ki cwercwiny, pien onogo tye ki lim madwong.
Matayo 19:13-22

Wun litino, wuwiny lunyodowu i Rwot, pien meno aye ber. Wor woru ki meni; (en aye cik mukwono ma tye ki cikke;) wek ibed maber, dok ibed kwo pi kare malac i wi lobo." Jo Epeco 6:1-3

Pe iwek natti mo ocan in awobi; ento bed lanen maber bot jo muye Yecu, i lok, i kit ma itiyo kwede, i mar, i niye, i bedo malen. 1 Temceo 4:12

Wwer miti me awobi, ento yeny kit ma atir, niye, mar ki kuc, kacel ki jo ma kok bot Rwot ki cwinygi malen. 2 Temceo 2:22

Ryeko cito ki i agikki acel nio wa i agikki mukene ki tek, dok yubo jami ducu maber. Amaro en, ki ayenyo en cake i kare ma pud atidi, amito ni abed calo dako na, ki onwongo amaro ber ne. Ryeko pa Solomon 8:1-2

Woda, nong pwony cakke i tinoni, wek i nong ryeko nio wa i tidi. Latitlok 6:18

Pe ipwony latinni, ci en bimiya lwor, tuko kwede, ci en bimiyo cwinyi cwer. Pe ibed ka nyero kwede, wek pe ibed ki cwer cwinyi kacel kwede, dok bene pe ikayo lak i agikkine. Pe imiye bedo agonya i kare ma en pud tidi, dok bene pe ibed ki lwor i kom mingone. Ryebbe piny i nute ma pud tidi, dok igoye ki i nute ma pud latin, wek pe odok lawac, pe obed ka kwero winyo dogi, ci kelo cwerwcwinyi i cwinyi." Latitlok 30:9-12